



Kamis, 20 Januari 2022

Ogen: MAZMUR 5:4



PULTAK MATAWARI, ERTOTOLAH!



Kerina jelma merhat jadi nomor sada, pengalaman pertama tetap si inget aminna pe nggo ndekah. Kerina sienna niten ras nomor sada, tetap menarik man banta. Tapi penungkunen, kai nge jadi siterutama ras nomor sadana man banta? Kai nge silakoken mulai tantangna erpagi-pagi nari? Sabap kai sitantangna silakoken berarti e nomor sada ras penting man banta.

Adi raja Daud si penting ras utama man bana e me komunikasina ras Tuhan. Tantang medak e kin pe, labo kai jemakna, tapi bas erpagi-pagi si lampas minter ia ertoto man Tuhan, isehkenna pingko-pingkona bage pe iberena dirina ndengkehken sora Tuhan. Situhuna labo masalah jam piga ras katawari pe ateta ertoto. Tapi jam erpagi-pagi ngatakenca kondisi dagingta pe nggo siap sabap nggo kita istirahat lebe, erpagi-pagi pe situasi hening ras teneng, kerina ring-ringta e secara optimal banci nggejabken kehadiran Tuhan ras lawatenNa.

Permasalahan kai pe banci ituriken man Tuhan. Raja Daud asum erbahan Masmur 5 enda lanai tanggung buena ras mberatna persoalen geluhna. Musuh-musuhna ngkepung ia, kuasa-kuasa gelap ngerim-rim ia. Tapi kemenangenna e me kap adi rembakkenna bana man Tuhan. E maka ipersadana tendina ras Dibata, erpadan ia man dirina jine gelah terus ertoto ras petetapna ukurna maka Dibata pasti ndengkehken ia. Tek ia arah pertoton terjadi mujijat. Pembalikan keadaan, perubahan sikap ras perukuren si mabai ia ndarat bas perbebenna nari. Benakenlah wari-warindu alu ertoto, maka ibabaina perukuren e erlayas ras ngasup ngidah kiniulin Tuhan bas geluh enda. perukuren si erlayas ras pengataken bujur erpagi-pagi mereken gegeh man banta guna ermalem ate segedang wari.



 Semangat Pagi! Jadikan wari enda secerah matawari